

Georgina Hänni-Monn Solothurn / Rueras 1932-2002



Georgina ei naschida ils 3 da november 1932 enta Suloms a Rueras. Ella ei stada il secund affon da Sep Antoni Monn e Georgina Monn-Maissen. Aunc 5 fargliuns ein suandai ella. Si'affonza ei senza dubi stada enrihida da bia veta e legria. Mo sco ina dallas grondas en famiglia ha ei era pretendiu baul da surpender responsablada e quitaup per ils fargliuns pli pigns e segidar cun ils geniturs.

Las scolas ha ella frequentau a Rueras. Lu far il fagot e serender en piazza per gudignar dus raps e saver segidar cun ils da casa. Igl εμπrem a Sedrun, lu tier ina famiglia a Sagogn e per emprender empau tudestg eis ella suandada il frar Giachen Giusep a Berna. Ella ha anflau ina buna piazza ella cuschina dil survetsch popular. Cheu mavan ils luvvers dalla posta e dalla viafier federala mintgamai. Ella era cuntenta cun sia lavur ed era ventireivla. Tuts ses fargliuns ein stai in temps a Bern. Per els era ella sco ina buna mumma. Havevan els quitaus ni muncav'ei vid il resti, tier la Georgina savevan els adina ira per cussegil ed agid.

Igl onn 1956 marida Georgina Heinz Hänni da Solothurn. Ad els schenghegia Dieus dus affons ch'ei la legria ed il sulegl en casa. Ditg ha la ventira buca cuzzau. Suenters chun onns banduna igl um la famiglia. La Georgina resta persula anavos cun ils affons, senza lavur e senza fadigia. Cun mirar anavon, cun speronza e perseveronza ha ella anflau il dretg cantun. Ina buna piazza en ina fabrica d'uras nua ch'ei era pusseivel da prender ils affons en la canorta d'affons. In grev temps, mo mai che Georgina fuss selamentada. Siu temps liber s'udeva cumpletamein a sias buobas. Oz ein las feglias maridadas ed han era gia affons. Las visetas da feglias e beadis han legrau ella e dau forza per il mintgadi.

Cun 62 onns ha ella astgau guder il temps da pensiun, mo paucs onns ed ina nauscha malsogna ha spossau ella pli e pli. Temps da clinica, temps da reconvalescenza ein sebratai giu, mo propi meglier eis ei mai vegniu. Ils dus davos onns eis ella serendida en ina casa d'attempai a Grenchen. Il sulet plascher era per ella da haver visetas che legravan ella da temps en temps.

Suenters ina veta emplenida da lavur, oraziun e bia quitaup per ils ses, eis ella spartida ils 9 da fenadur. Siu giavisch da saver returnar en sia patria havein nus dau suatientscha. Ils 19 da fenadur ei in numerus pievel seradunaus en baselgia da s.Vigeli e priu cumiau dad ella. - Ella ruaussi en pasch.

Florentin Monn